



Број: 03/1-50-19-7-31/13

Sarajevo, 28.10.2013.

PREDMET: Informacija o održanom regionalnom seminaru za parlamentarce o OSCE-ovom Kodeksu ponašanja u ispunjavanju vojnopolitičkog aspekta sigurnosti

U Konjicu je od 23. do 25.10. 2013. održan regionalni seminar o OSCE-ovom Kodeksu ponašanja u ispunjavanju vojnopolitičkog aspekta sigurnosti za parlamentarce i parlamentarno osoblje Albanije, Bosne i Hercegovine, Hrvatske, Makedonije, Crne Gore, Srbije i Slovenije.

Dušanka Majkić, predsjedavajuća, Krunoslav Vrdoljak, Mehmed Bradarić i Beriz Belkić, članovi Zajedničke komisije za odbranu i sigurnost BiH, Boško Šiljegović, parlamentarni vojni povjerenik BiH, Ljiljana Milićević, sekretar, i Željko Grubešić, stručni savjetnik, učestvovali su u radu seminara u ime Parlamentarne skupštine BiH.

Misija OSCE-a u BiH, u saradnji sa Zajedničkom komisijom za odbranu i sigurnost BiH i OSCE-ovim Centrom za sprečavanje sukoba iz Beča, organizirali su regionalni seminar s ciljem pružanja dodatne mogućnosti za unapređenje dijaloga, podizanja svijesti o principima i obavezama navedenim u OSCE-ovom Kodeksu ponašanja u ispunjavanju vojnopolitičkog aspekta sigurnosti, posebno u vezi s demokratskom kontrolom, kao i poboljšanja njegovog provođenja i da se o njoj proširi svijest među parlamentarcima regiona.

Seminar je bio izvrsna prilika za identifikaciju sinergija, izazova i prilika za razmjenu najboljih praksi između parlamentaraca regiona o provođenju Kodeksa ponašanja u vezi s demokratskom kontrolom oružanih snaga.

Seminar je u prvom dijelu bio fokusiran na uvod u osnovni sadržaj i strukturu Kodeksa ponašanja.

Drugi dan regionalnog seminara za parlamentarce o OSCE-ovom Kodeksu ponašanja o vojnopolitičkim aspektima sigurnosti bio je fokusiran je na raspravu o izgradnji integriteta u oblasti odbrane i ulogu parlamentaraca u zaštiti ljudskih prava pripadnika oružanih snaga. Tokom seminara diskutiralo se u radnim grupama o primjerima zemalja učesnica, kao i najboljim praksama i naučenim lekcijama.

Dušanka Majkić, predsjedavajuća Zajedničke komisije za odbranu i sigurnost BiH, u svom izlaganju govorila je o stvaranju pravnog okvira i značaju transparentnog planiranja i trošenja budžetskih sredstava u sektoru odbrane.

Boško Šiljegović, parlamentarni vojni povjerenik BiH, osvrnuo se na problematiku zaštite ljudskih prava pripadnika Oružanih snaga BiH.

Uz prezentacije pukovnika Olea A. Fauske, zamjenika komandanta Štaba NATO-a u Sarajevu, eksperata Ženevskog DCAF-a, Stalne misije Švicarske pri OSCE-u te oficira za ljudska prava ODIHR - a, obavljena je rasprava u radnim grupama o pozitivnim praksama u radu parlamenata i time je okončan dvodnevni regionalni seminar.

Seminar je održan uz finansijsku podršku SR Njemačke i Švicarske Konfederacije. Podršku održavanju ovog skupa pružili su i Ženevski centar za demokratsku kontrolu oružanih snaga (DCAF), Centar za sigurnosnu saradnju – RACVIAC i Štab NATO-a u Sarajevu.

PREDSJEDAVAJUĆA KOMISIJE
Dušanka Majkić

Prilog:

- Prezentacije učesnika regionalnog seminara

Dostavljeno:

- naslovu
- a/a